


**1.2.7. Առևտուր և այլ ծառայություններ  
(սպառողական շուկա)**

**ՀՀ սպառողական շուկա ( առևտրի շրջանառության և ծառայությունների ծավալը)**

	2005թ. հունվար-հոկտեմբեր		Ընդհանուրի նկատմամբ, %	
	ծավալը, մլն. դրամ	2004թ. հունվար-հոկտեմբերի նկատմամբ, %	2004թ.	2005թ.
<b>Առևտրի շրջանառության և ծառայությունների ծավալը, ընդամենը</b>	<b>1062843.9</b>	<b>111.0</b>	<b>100.0</b>	<b>100.0</b>
<i>այդ թվում</i>				
Առևտրի շրջանառություն <sup>1</sup> , ընդամենը	809758.9	109.4	77.2	76.2
<i>դրանից՝</i>				
մանրածախ առևտրի շրջանառություն	660659.5	108.6	63.5	62.2
Ծառայություններ <sup>1</sup>	253085.0	116.6	22.8	23.8

**Սպառողական շուկայում առևտրի շրջանառության և ծառայությունների ծավալի տեսակարար կշիռները**  
( ընդհանուրի նկատմամբ, %)



2005թ. հունվար-հոկտեմբերին գրանցվել է սպառողական շուկայի ծավալի 11.0 % աճ՝ 2004թ. հունվար-հոկտեմբերի համապատասխան ցուցանիշի նկատմամբ, համադրելի գներով: Ընդ որում, դրանում 1.0 տոկոսային կետով աճել է ծառայությունների ծավալի տեսակարար կշիռն ու համամասնորեն նվազել առևտրի շրջանառության տեսակարար կշիռը:

<sup>1</sup> Սկսած 2005թ-ից ցուցանիշները ներկայացված են ըստ «Տնտեսական գործունեության տեսակների դասակարգչի»:

**Մանրածախ առևտուր**


2005թ. հունվար-հոկտեմբերին մանրածախ առևտրի շրջանառության ընդհանուր ծավալը, ընթացիկ գներով, կազմել է 660659.5 մլն. դրամ, որը 2004թ. նույն ժամանակաշրջանի համապատասխան ցուցանիշի նկատմամբ, համադրելի գներով, աճել է 8.6%-ով: 2005թ. հոկտեմբերին սեպտեմբերի համեմատությամբ մանրածախ առևտրի շրջանառության ծավալը, համադրելի գներով, կազմել է 112.0%:

**ՀՀ մանրածախ առևտրի շրջանառության ծավալը 2005թ. հունվար-հոկտեմբերին**

	Ծավալը, մլն. դրամ	Ընդհանուրի նկատմամբ, %
<b>Մանրածախ առևտրի շրջանառություն, ընդամենը</b>	<b>660659.5</b>	<b>100.0</b>
<i>այդ թվում</i>		
խանութների	329793.6	49.9
սպառողական ապրանքների շուկաների	206476.5	31.3
գյուղատնտեսական արտադրանքի շուկաների	20194.3	3.0
կրպակների	44351.8	6.7
առևտրի այլ օբյեկտների	59843.3	9.1

**Մանրածախ առևտրի շրջանառության կառուցվածքն ըստ ձևավորման աղբյուրների, 2005թ. հունվար-հոկտեմբերին**

(ընդհանուրի նկատմամբ, %)



2005թ. հունվար-հոկտեմբերին ՀՀ մանրածախ առևտրի շրջանառության ընդհանուր ծավալում մեծ տեսակարար կշիռ է ունեցել խանութներում և սպառողական ապրանքների շուկաներում իրականացվող առևտուրը՝ 81.2 % (536270.1 մլն. դրամ):

ՀՀ մանրածախ առևտրի շրջանառության ընդհանուր ծավալում առանձնակի տեղ ունեն սպառողական ապրանքների շուկաները, որոնցից ստացված հաշվետվությունների տվյալներով և փորձագիտական լրահաշվարկի հիման վրա, 2005թ. հունվար-հոկտեմբերին առևտրի շրջանառության ծավալը, ընթացիկ գներով, կազմել է 206476.5 մլն. դրամ:


**ՀՀ սպառողական ապրանքների շուկաների առևտրի շրջանառության ծավալն ըստ ՀՀ մարզերի, 2005թ. հունվար-հոկտեմբերին**

	Ծավալը, մլն. դրամ	այդ թվում՝ ընդհանուրի նկատմամբ, %	
		պարենային ապրանքներ	ոչ պարենային ապրանքներ
ք. Երևան	189026.1	13.6	86.4
Արագածոտն	253.9	-	100.0
Արարատ	1327.1	-	100.0
Արմավիր	3379.9	26.3	73.7
Գեղարքունիք	1660.8	22.4	77.6
Լոռի	4349.0	46.3	53.7
Կոտայք	1984.4	18.8	81.2
Շիրակ	1460.5	8.5	91.5
Սյունիք	681.4	-	100.0
Վայոց ձոր	205.3	45.8	54.2
Տավուշ	2148.1	25.2	74.8
<b>Ընդամենը</b>	<b>206476.5</b>	<b>14.7</b>	<b>85.3</b>

Հարկ է նշել, որ հանրապետության սպառողական ապրանքների շուկաները հիմնականում մասնագիտացված են ոչ պարենային ապրանքների վաճառքով, որի տեսակարար կշիռը սպառողական ապրանքների շուկաների առևտրի շրջանառության ընդհանուր ծավալում, 2005թ. հունվար-հոկտեմբերին, կազմել է 85.3%:

**Սպառողական ապրանքների շուկաների առևտրի շրջանառության կառուցվածքն ըստ Երևան քաղաքի և ՀՀ մյուս մարզերի**

( ընդհանուրի նկատմամբ, %)



2005թ. հունվար-հոկտեմբերին 2004թ. հունվար-հոկտեմբերի նկատմամբ հանրապետության սպառողական ապրանքների շուկաների առևտրի շրջանառության ամբողջ ծավալում գրանցվել է Երևան քաղաքի շուկաների առևտրի շրջանառության ծավալի տեսակարար կշիռի նվազում 1.1 տոկոսային կետով:

2005թ. նոյեմբերի 1-ի դրությամբ ապրանքային պաշարները մանրածախ առևտրի օբյեկտներում կազմել են 59683.6 մլն. դրամ, իսկ ապահովվածությունը՝ 56 օր:

ՀՀ սպառողական շուկայում իրենց ուրույն տեղն ունեն գյուղատնտեսական արտադրանքի շուկաները: Հունվար-հոկտեմբերին այդ շուկաներում իրականացվող առևտրին բաժին է ընկել առևտրի շրջանառության ընդհանուր ծավալի 3.0% կամ 20194.3<sup>1</sup> մլն. դրամը:


<sup>1</sup> Հանրապետությունում գործող գյուղատնտեսական արտադրանքի չկազմակերպված շուկաների առևտրի շրջանառության ծավալները հաշվառված չեն:

**Ծառայություններ**

2005թ. հունվար-հոկտեմբերին նատուցված ծառայությունների ծավալը ընթացիկ գներով կազմել է 253085.0 մլն.դրամ, որը 2004թ. նույն ցուցանիշի նկատմամբ, համադրելի գներով, աճել է 16.6 %-ով:

2005թ. հունվար-հոկտեմբերին 2004թ. հունվար-հոկտեմբերի նկատմամբ ծառայությունների ոլորտում արձանագրվել է սակագների 0.3% հավելաճ, որը հիմնականում պայմանավորված է կրթության (1.1%), կոմունալ (3.0%), հյուրանոցների և ռեստորանների (2.9%), սոցիալական (15.0%) ծառայությունների սակագների հավելաճով: Միաժամանակ նվազել են՝ տրանսպորտի, կապի, առողջապահության ծառայությունների սակագները, համապատասխանաբար՝ 2.4, 2.9, և 0.5%-ով:

**Ծառայությունների կառուցվածքը 2005թ. հունվար-հոկտեմբերին**  
(ընդհանուրի նկատմամբ, %)



2005թ. հունվար-հոկտեմբերին ծառայությունների կառուցվածքում մեծ տեսակարար կշիռ են կազմել տրանսպորտի (77886.5մլն.դրամ) և կապի (63472.0մլն.դրամ) ծառայությունները, համապատասխանաբար՝ 30.8 և 25.1%:

Ծառայությունների կառուցվածքում համեմատաբար բարձր տեսակարար կշիռ ունեն ֆինանսական (20421.7 մլն.դրամ), կրթության (18264.5 մլն.դրամ), առողջապահության (16944.7 մլն.դրամ), հյուրանոցների և ռեստորանների (14793.1 մլն.դրամ) ծառայությունները, համապատասխանաբար՝ 8.1, 7.2, 6.7 և 5.8%: